



Службы Страстной седмицы Великого Поста



Служба во Святую и Великую
Среду ►

Служба во Святой и Великий Вторник

Последование ўтрени

Священник: **Благословен Бог наш:**

И совершается последование ўтрени, якоже в Великий понедельник (*зри сноску № 5*).

И чтётся кафисма 9-я (псалмы 64–69).

Седáлен, глас 4:

Подóбен: **Вознесыйся на Крест:**

Женихá, братие, возлюбим, свещы своя украсим, в добродетелех сияюще и вере правой: да яко мудрыя Господни дэвы готови внидем с Ним на браки. Жених бо дары, яко Бог, всем подаёт нетленный венец.

Слава, и ныне: **Женихá, братие, возлюбим:**

И чтётся кафисма 10 (псалмы 70–76).

Седáлен, глас 4:

Подóбен: **Удивися Иосиф:**

Совет, Спасе, беззаконный на Тя, священницы и книжницы завистию собравше люте, в предательство подвигоша Иуду: темже безстыдно исхождаше, глаголаше на Тя беззаконным людем: что ми, глаголет, дадите, и аз вам Его предам в руки ваша; осуждения сего избави, Господи, души наша.

Слава, и ныне: **Совет, Спасе, беззаконный на Тя:**

И чтётся кафисма 11 (псалмы 77–84).

Таже Седáлен, глас 8:

Подобен: **Премудрости:**

Иуда разумом сребролюбствует, на учителя враждебно подвизается, советует, поучается преданию, света отпадает, тьму приим, соглашает цену, продаёт Безценного: темже и удавление, возмездие еже содея обретает окаянный, и

лютую смерть, предав Тебѣ, Господа. Того нас части избави, Христѣ Божѣ, прегрешений оставление даруя, празднующим верою пречистую страсть Твою.

Слава, и ныне: Иуда разумом сребролюбствует:

Посѣм диакон возглашает: И о сподобитися нам слышанию Святаго Евангелиа, Господа Бога молим.

Лик: Господи, помилуй. (Трижды).

Диакон: Премудрость, прости, услышим Святаго Евангелиа.

Священник: Мир всем.

Лик: И духови твоему.

Священник: От Матфеа Святаго Евангелиа чтение.

Лик: Слава Тебѣ, Господи, слава Тебѣ.

Диакон: Вонмем.

И чтет священник Евангелие:

Во время оно, совет приемше вси фарисее на Иисуса, яко да обольстят Его словом, посылают к Немю ученики своя со Иродианы, глаголюще: Учителю, вемы яко истинен еси, и пути Божию воистину учиши, и не радиши ни о комже: не зриши бо на лице человеком. Рцы убо нам, что Ти ся мнит? Достойно ли есть дати кинсон кесареви, или ни? Разумев же Иисус лукавство их, рече: что Мя искушаете, лицемери? Покажите Ми златицу кинсонную. Они же принесоша Ему пенязь. И глагола им: чий образ сей и написание? И глаголаша Ему: кесарев. Тогда глагола им: воздадите убо кесарева кесареви: и Божия Богу. И слышавше дивившася: и оставльше Его отыдоша. В той день приступиша к Немю саддукее, иже глаголют не быти воскресению: и вопросиша Его, глаголюще: Учителю, Моисей рече: аще кто умрет не имый чад, да поймет брат его жену его, и воскресит семя брата своего. Беша же в нас семь братья: и первый оженся умре, и не имый семени, остави жену свою брату своему. Такожде же и второй, и третий, даже до седмаго. Последи же всех умре и жена. В воскрешение убо, котораго от седмих будет жена? Вси бо имеша ю? Отвещав же Иисус, рече им: прельщаетеся, не ведуще Писания, ни силы Божия. В воскресение бо ни женятся, ни посягают, но яко ангели Божии на Небеси суть. О воскресении же мертвых, несте ли чли реченнаго вам Богом, глаголющим: Аз есмь Бог Авраамов, и Бог Исааков, и Бог Иаковль; несть Бог, Бог мертвых, но Бог живых. И слышавше народи дивляхуся о учении Его. Фарисее же слышавше, яко посрами саддукей, собрашася вкупе, и вопроси един от них законоучитель, искушая Его, и глаголя: Учителю, каая заповедь боольши есть в законе? Иисус же рече ему: возлюбиши Господа Бога твоего всем сердцем Твоим, и всею душею твоею, и всею мыслию твоею. Сия есть первая и боольшая заповедь. Вторая же подобна ей: возлюбиши искренняго твоего яко сам себе. В сию обою заповедию весь закон и пророцы висят. Собраном же фарисеом вопроси их Иисус, глаголя: что ся вам мнит о Христѣ? Чий есть Сын? Глаголаша Ему: Давидов. Глагола им: како убо Давид Духом Господа Его нарицает, глаголя: Рече Господь Господеви Моему, седи одесную Мене, дондеже положу враги Твоя подножие ногам Твоима. Аще убо Давид нарицает Его Господа, како сын Ему есть? И никтоже

можаше отвещати Ему словесе: ниже смея кто от того дне вопросити Его ктому. Тогда Иисус глагола к народом и учеником Своим, глаголя: на Моисеове седалищи седоша книжницы и фарисее. Вся убо елика аще рекут вам блюсти, соблюдайте и творите, по делом же их не творите: глаголют бо и не творят. Связуют бо бремена тяжка и бедне носима, и возлагают на плеща человеческа, перстом же своим не хотят двинути их. Вся же дела своя творят, да видими будут человеки: расширяют же хранилища своя, и величают воскрилия риз своих. Любят же преждевозлегания на вечерах, и преждеседания на сонмищах, и целования на торжищах, и зватися от человек: учителю, учителю. Вы же не нарицайтесь учителя: един бо есть ваш Учитель – Христос: вси же вы братия есте. И Отца не зовите себе на земли: един бо есть Отец ваш, Иже на Небесех. Ниже нарицайтесь наставницы, един бо есть Наставник ваш, Христос. Божий же в вас, да будет вам слуга. Иже бо вознесется, смирится: и смиряйся, вознесется. Горе же вам, книжницы и фарисее, лицемери, яко снedaете дома вдовиц, и виною далече молитвы творяще: сего ради лишнее примете осуждение. Горе вам, книжницы и фарисее, лицемери, яко затворяете Царствие Небесное пред человеки: вы бо не входите, ни входящих оставляете внити. Горе вам, книжницы и фарисее, лицемери, яко преходите море и сушу, сотворити единого пришельца: и егда будет, творите его Сына геенны сугубейша вас. Горе вам, вожди слепии, глаголюще: иже аще кленется Церквию, ничесоже есть: а иже кленется златом церковным, должен есть. Буи и слепии, кое бо боле есть? Злато ли? или Церковь, святящая злато? И иже аще кленется олтарем, ничесоже есть: а иже кленется даром иже верху его, должен есть. Буи и слепии, что бо боле? Дар ли, или олтарь святяй дар? Иже убо кленется олтарем, кленется им и Сущим верху его. И иже кленется Церквию, кленется ею, и Живущим в ней. И кленыйся небесем, кленется престолом Божиим, и Сядущим на нем. Горе вам, книжницы и фарисее, лицемери, яко одесятствуете мятву, и копр, и кимин: и остависте вящшая закону, суд, и милость, и веру. Сия же подобаше творити, и оных не оставляти. Вожди слепии, оцеждающие комары, вельблуды же пожирающе. Горе вам, книжницы и фарисее, лицемери, яко очищаете внешнее сткляницы и блюда: внутрюду же суть полни хищения и неправды. Фарисее слепый, очисти прежде внутреннее сткляницы и блюда, да будет и внешнее има чисто. Горе вам, книжницы и фарисее, лицемери, яко подобитесь гробом повапленным, иже внеуду убо являються красны, внутрюду же полни суть костей мертвых, и всякия нечистоты. Тако и вы, внеуду убо являетесь человеком праведни: внутрюду же есте полни лицемерия и беззакония. Горе вам, книжницы и фарисее, лицемери, яко зиждете гробы пророческия, и красите раки праведных. И глаголете: аще быхом были во дни отец наших, не быхом убо общницы им были во дни крови пророк. Темже сами свидетельствуете себе, яко сынове есте избивших пророки. И вы исполните меру отец ваших. Змия, порождения ехиднова, како убежите от суда огня геенскаго? Сего ради се Аз пошлю к вам пророки, и премудры, и книжники: и от них убиете и распнете. И от них биете на сонмищах ваших, и изженете от града во град. Яко да придет на вы всяка кровь праведна, проливаемая на земли, от крове Авеля праведнаго, до крове Захарии, сына Варахиина, егоже убиете между церковию и олтарем. Аминь глаголю вам: яко придут вся Сия на род сей. Иерусалиме, Иерусалиме, избивый пророки, и камением побиваяй посланные к тебе, колькраты восхотех собрати чада твоя, якоже собирает кокош птенцы своя под криле, и не восхотесте! Се оставляется вам дом ваш пуст. Глаголю бо вам,

яко не имате Мене видети отселе, дондеже речете: благословен Грядый во Имя Господне.

Лик: Слава Тебе, Господи, слава Тебе.

Таже чтётся псалом 50.

И посём священник или диакон: Спаси, Боже, люди Твоя и благослови достояние Твое, посети мир Твой милостию и щедротами, возвыси рог христиан православных и низпосли на ны милости Твоя богатыя: молитвами Всепречистой Владычицы нашей Богородицы и Приснодевы Марии; силою Честного и Животворящего Креста; предстательства Честных Небесных Сил бесплотных; честного славного пророка, Предтечи и Крестителя Иоанна; святых славных и всехвальных апостол; иже во святых отец наших и вселенских великих учителей и святителей Василия Великого, Григория Богослова и Иоанна Златоустаго; иже во святых Отца нашего Николая, архиепископа Мир Ликийских, чудотворца; иже во святых отец наших Мефодия и Кирилла, учителей словенских; святого равноапостольного великого князя Владимира и Святых равноапостольных великих княгини Ольги; иже во святых отец наших всея России чудотворцев Михайла, Петра, Алексия, Ионы, Филиппа и Ермогена; святых славных и добропобедных мучеников; преподобных и богоносных отец наших; святых и праведных Богоотец Иоакима и Анны (и святого, **имярек**, егоже есть храм) и всех святых, молим Тя, Многомилостиве Господи, услыши нас, грешных, молящихся Тебе, и помилуй нас.

Лик: Господи, помилуй. (12).

Священник: Милостию и щедротами, и человеколюбием:

Лик: Аминь.

Посём ектении малая.

Возглас: Ты бо еси Царь мира:

Таже кондак, глас 2:

Подобен: Вышних ищя:

Час, душе, конца помысливши, и посечения смоковницы убоявшись, данный тебе талант трудолюбно делай, окаянная, бодрствующи и зовущи: да не пребудем вне чертога Христова.

Икос: Что унываеши, душе моя окаянная? Что мечтаеши безвременно попечения неполезная? Что упражняеши к мимотекущим? Последнейший час есть отселе, и разлучитися имамамы от сущих zde, дондеже время имаши, возникни зовущи: согреших Ти, Спасе мой, не посецы мене якоже неплодную смоковницу, но яко благоутробен Господи, ущедри со страхом зовущую: да не пребудем вне чертога Христова.

Посём двоепеснец, творение господина Космы. Ирмосы по дважды, тропари на 12: последи же ирмос, оба лика вкупе.

Песнь 8, глас 2:

Ирмос: Велению мучителю преподобнии трие отроцы не повинувшися, в пещь ввержени, Бога исповедаху поюще: Благословите дела Господня Господа.

(Дважды).

Припев: Слава Тебе, Боже наш, слава Тебе.

Леность далече нас отвержим, и светлыми свещами безсмертного Жениха Христа, пением усрящим, благословите, вопиюще, дела Господня Господа. **(4 раза).**

Слава Тебе, Боже наш, слава Тебе.

Да удовлечет общительный души нашей елей в сосудех, яко да не на куплю положше время почестей, поем: благословите дела Господня Господа. **(4 раза).**

Слава Тебе, Боже наш, слава Тебе.

Талант елицы от Бога прияте, равносильную благодать, помощию давшего Христа возрастите, поюще: благословите дела Господня Господа. **(Дважды).**

Благословим Отца, и Сына, и Святаго Духа, Господа.

Талант елицы от Бога прияте:

И ныне: Талант елицы от Бога прияте:

И абие: Хвалим, благословим, поклоняемся Господеви, поюще и превозносяще во вся веки.

Таже оба лика сошедшеся вкупе поют ирмос: Велению мучителю:

Величит душа моя Господа: и Честнейшую: **не поем, но абие:**

Песнь 9

Ирмос: Невместимаго Бога во чреве вместившая, и Радость миру родившая, Тя поем, Богородице Дево. **(Дважды).**

Слава Тебе, Боже наш, слава Тебе.

Учеником благий, бдите, рекл еси, вонже час придет Господь, не разумеете, отдать комуждо. **(6 раз).**

Слава Тебе, Боже наш, слава Тебе.

Во втором Твоем и Страшном пришествии, Владыко, десным овцам мя сопритчи, прегрешений презрев моих множества. **(4 раза).**

Слава: **Во** втором Твоем и Страшном пришествии, Владыко:

И ныне: **Во** втором Твоем и Страшном пришествии, Владыко:

И паки вместо Достойно есть: оба лика вкупе поют ирмос: Невместимаго Бога:

Посем ектенія малая. Возглас: Яко Тя хвалят вся Силы Небесныя:

Посем поет канонарх, став पहले посреде церкви, ексапостиларий:

Чертог Твой вижду, Спасе мой, украшенный, и одежды не имам, да вниду в оны: просвети одеяние души моея, Светодавче, и спаси мя.

Слава: **Чертог** Твой вижду, Спасе мой:

И ныне: **Чертог** Твой вижду, Спасе мой:

Чтец четет псалмы хвалитны (зри на ўтрени Великаго понедѣльника, сноска № 7).

И поём стихіры самогласны на 4, глас

Стих: Хвалите Егó на сілах Егó, хвалите Егó по множеству величества Егó.

Во свѣтлостех святыхъ Твоихъ, како внѣду, недостойный? Аще бо дерзну совнѣти в чертѣ, одежда мя обличает, яко несть брачна, и связан, извержен буду от Ангелов: очисти, Господи, скверну души моея, и спаси мя яко Человеколюбец.

Стих: Хвалите Егó во гласе трубнем, хвалите Егó во псалтири и гуслех.

Во свѣтлостех святыхъ Твоихъ:

Глас 2: Стих: Хвалите Егó в тимпане и лице, хвалите Егó во струнах и органе.

Душевною лѣностию воздремався, не стяжахъ, Женише Христе, горяща свѣтільника иже от добродѣтелей, и девам уподобихся бумим, во время делания глумляся: утробы щедротъ Твоихъ не затвори мне, Владыко, но оттряс мой омраченный сон, возстави, и с мудрыми введи девами в чертѣ Твой, идеже глас чистый празднующихъ и вопиющихъ непрестанно: Господи, слава Тебѣ.

Стих: Хвалите Егó в кимвалехъ доброгласныхъ, хвалите Егó в кимвалехъ восклицанія. Всякое дыханіе да хвалитъ Господа.

Душевною лѣностию воздремався:

Слава, и ныне: **Глас 4:**

Скрывшаго талант осужденіе слышавши, о душе, не скривай словесѣ Божія, возвещай чудеса Егó, да умножаючи дарованіе, внѣдеши в радость Господа твоегó.

Чтец: Слава Тебѣ, показавшему нам свет.

Слава в вышнихъ Богу и на земли мир: (зри на ўтрени Великаго понедѣльника, сноска № 8).

Ектенія: Исполним утреннюю молитву нашу Господеви. (зри сноску № 9).

И После ектений поютъ оба лика стихіры самогласны на стиховне, глас 6:

Приидите, вернии, делаим усердно Владыце: подаваетъ бо рабѣмъ богатство, и по равенству кийждо да многоусугубимъ благодати талантъ. Овъ убо мудрость да приноситъ дѣлы благими, овъ же службу свѣтлости да совершаетъ: да приобщается же словомъ верный, тайны ненаученному, и да расточаетъ богатство убогимъ другій: сѣце бо заимованное многоусугубимъ, и яко строителие вернии благодати, владычния радости сподобимся: тоя нас сподоби, Христе Бже, яко Человеколюбец.

Стих: Исполнихомся заутра милости Твоея, Господи, и возрадовахомся, и возвеселихомся; во вся дни наша возвеселихомся, за дни в ныже смирилъ ны еси, лета в ныже видехомъ злая. И призри на рабы Твоя, и на дела Твоя, и настави сыны ихъ.

Егда приидеши во славе, со ангельскими силами, и сядеши на престолѣ, Иисусе, разсужденія, да мя, Пастырю Благій, не разлучиши, пути бо десныя вѣси, развращени же суть шуи. Да не убо с козлищи грубаго мя грехомъ

погубиши: но десным мя сочетав овцам, спаси яко Человеколюбец.

Стих: И буди светлость Господа Бога нашего на нас, и дела рук наших исправи на нас, и дело рук наших исправи.

Женише, добротою красныи паче всех человек, призывый нас к трапезе духовней чертога Твоего, нелепый мой зрак прегрешений совлещи причастием страданий Твоих: и одеждоу славы украсив Твоея красоты, сообедника светла мя покажи Твоего Царствия, яко Милосерд.

Слава, и ныне: **Глас 7.**

Се тебе талант Владыка вверяет, душе моя, страхом приими дар, займствуй давшему, раздавай нищим, и стяжи друга Господа, да станеша одесную Его, егда приидет во славе, и услышиши блаженный глас: вниди, рабе, в радость Господа твоего. Той достойна мя сотвори, Спасе, заблудившаго, великия ради Твоея милости.

Чтец: Благо есть исповедатися: и прочая из последования утрени и часов, якоже в Великий понедельник (зри сноску № 5).

На 6-м часе после пения тропарей часа и чтения Богородична: Яко не имамы дерзновения: чтец возглашает:

Тропарь пророчества, глас первый⁴⁷:

Безмерно согрешающим, богато прости, Спасе, и сподоби нас неосужденно поклониться Твоему святому воскресению, молитвами Пречистыя Твоея Матере, единыи Многомилостиве.

Слава, и ныне: **Безмерно согрешающим, богато прости, Спасе:**

Священник: Вонмем.

Чтец: Прокимен, глас шестый: Яко у Господа милость, и многое у Него избавление.

Лик: Яко у Господа милость, и многое у Него избавление.

Чтец, стих: Из глубины возвах к Тебе, Господи, Господи, услыши глас мой.

Лик: Яко у Господа:

Чтец: Яко у Господа милость.

Лик: И многое у Него избавление.

Священник: Премудрость.

Чтец: Пророчества Иезекиилева чтение.

Священник: Вонмем.

Чтец: Внегда идяху (животная), идяху (и колеса), и внегда стояти им, стояху (и колеса с ними): и егда воздвизахуся от земли, воздвизахуся с ними (и колеса), яко дух жизни быше в колесех. И подобие над главою животных яко твердь, яко видение кристалла, простертое над крилами их свыше. И под твердию крила их простерта, паряще друг ко другу, комуждо два сопряжена, прикрывающе телеса их. И слышах глас крил их, внегда паряху, яко глас вод многих, яко глас Бога Садаи; и внегда ходити им, глас слова яко глас полка: и внегда стояти им,

почиваху крила их. И се глас превыше тверди сущия над главою их, вегда стояти им, низпускахуся крила их. И над твердию, яже над главою их, яко видение камене сапфира, подобие престола на нем, и на подобии престола подобие, якоже вид человекъ сверху. И видех яко видение илэктра, яко видение огня внутрь Его окрест от видения чресл и выше, и от видения чресл даже до долу видех видение огня, и свет Его окрест. Яко видение дуги, егда есть на облацех в день дождя, тако стояние света окрест. Сие видение подобие славы Господни.

Священник: Вонмем.

Чтец: Прокимен, глас четвертый: Да уповает Израиль на Господа от ныне и до века.

Лик: Да уповает Израиль на Господа от ныне и до века.

Чтец, Стих: Господи, не вознесется сердце мое, ниже вознесостесь очи мои.

Лик: Да уповает Израиль:

Чтец: Да уповает Израиль на Господа,

Лик: От ныне и до века.

Священник чтет Евангелие.

По скончании же Евангелиа чтец глаголет обычное последование часов (зри сноску № 10).

Последование вечерни

Литургия Преждеосвященных Даров во Святый и Великий вторник

Совершаем якоже в Великий понедельник (зри сноску № 13).

На Господи, возвах: Поём стихирь самогласны⁴⁸ во глас 1:

Стих: Изведи из темницы душу мою, исповедатися имени Твоему.

Во Светлостех святых Твоих, како вниду, недостойный? Аще бо дерзну совнати в чертог, одежда мя обличает, яко несть брачна, и связан, извержен буду от Ангелов: очисти, Господи, скверну души моея, и спаси мя яко Человеколюбец.

Стих: Мене ждут праведницы, дондеже воздаси мне.

Во Светлостех святых Твоих:

Глас 2: Стих: Из глубины возвах к Тебе, Господи, Господи, услыши глас мой.

Душевною лениостию воздремався, не стяжах, Женише Христе, горяща светильника, иже от добродетелей, и девам уподобихся буим, во время делания глумляся: утробы щедрот Твоих не затвори мне, Владыко, но оттряс мой омраченный сон, возстави, Милостиве, и с мудрыми введи девами в чертог Твой, идеже глас чистый празднующих и вопиющих непрестанно: Господи, слава Тебе.

Стих: Да будут уши Твои, внемлюще гласу моления моего.

Душевною лениостию воздремався:

Глас 4: Аще беззакония назириши, Господи, Господи, кто постоит? Яко у Тебе

очищение есть.

Скрывшаго талант осуждение слышавши, о душе, не скрывай словесе Божия, возвещай чудеса Его, да умножаючи дарование, внидеши в радость Господа твоего.

Стих: Имене ради Твоего потерпех Тя, Господи, потерпé душá моя в слово Твое, уповá душá моя на Господа.

Скрывшаго талант осуждение слышавши:

Глас 6: Стих: От стражи утренния до но́щи, от стражи утренния да уповáет Израиль на Господа.

Приидите, вернии, делаим усердно Владыце: подавает бо рабom богатство, и по равенству кийждо многоусугубим благодати талант: ов убо мудрость да приносит дела благими, ов же службу светлости да совершает? Да приобщается же словом верный, тайны ненаученному, и да расточает богатство убогим другим: сиче бо заимованное многоусугубим, и яко строители вернии благодати, Владычния радости сподобимся: тоя нас сподоби, Христé Бóже, яко Человеколюбец.

Стих: Яко у Господа милость и многое у Него избавление: и Той избавит Израиля от всех беззаконий его.

Приидите, вернии, делаим усердно:

Стих: Хвалите Господа вси языцы, похвалите Его вси людие.

Егда приидеши во славе, со ангельскими силами, и сядеши на престоле, Иисусе, разсуждения, да мя, Пастырю Благий, не разлучиши, пути бо десныя веси, возвращени же суть шуии. Да не убо с козлищи грубаго мя грехом погубиши: но десным мя сочетав овцам, спаси яко Человеколюбец.

Стих: Яко утвердися милость Его на нас, и истина Господня пребывает во век.

Женише, доброю красной паче всех человек, призывай нас к трапезе духовней чертога Твоего, нелепый мой зрак прегрешений совлецы, причастием страданий Твоих: и одеждею славы украсив Твоея красоты, сообщника света мя покажи Твоего Царствия, яко Милосерд.

Слава, и ныне: **Глас 7:**

Се тебе талант Владыка вверяет, душе моя, страхом прими дар, займствуй давшему ти, раздавай нищим, и стяжи друга Господа, да станеши одесную Его, егда придет во славе, и услышиши блаженный глас: вниди, рабе, в радость Господа твоего. Тоя достойна мя сотвори, Спасе, заблудившаго, великия ради Твоея Милости.

И бывает вход со Евангелием. Таже иерей благословляет вход. Диакон же возглашает: Премудрость, прости.

Лик: Свете Тихий:

Диакон: Вонмем.

Священник: Мир всем.

Диáкон: Премúдрость, вóнмем.

Чтец: Прокíмен, глас шестый: Воскресní, Гóсподи, в поко́й Твой, Ты, и кивóт святы́ни Твоея́.

Лик: Воскресní, Гóсподи, в поко́й Твой, Ты, и кивóт святыни Твоея́.

Чтец, стих: Помяní, Гóсподи, Давíда и всю крóтость егó.

Лик: Воскресní, Гóсподи, в поко́й Твой, Ты, и кивóт святыни Твоея́.

Чтец: Воскресní, Гóсподи, в поко́й Твой.

Лик: Ты, и кивóт святы́ни Твоея́.

Диáкон: Премúдрость.

Чтец: Исхóда чтéние.

Диáкон: Вóнмем.

Чтец: Снiде дочь фараóнова измýтися на рéку, и рабы́ни ея́ прохожда́ху при реце́: и ви́девши ковче́жец в лучи́це, посла́вши рабы́ню, взя í. Отвэ́рзши же ви́дит отрочá плачу́щееся в ковче́жце, и пощаде́ é дочь фараóня, и рече́: от дете́й евре́йских сиé. И рече́ сестра́ егó дщэ́ри фараóнове: хóщеш ли призову́ ти жену́ корми́лицу от евре́й, и воздо́йт ти отроча́? И рече́ ей дочь фараóнова: иди́. Шэ́дши же отрокови́ца, призва́ ма́терь отроча́те. Рече́ же к ней дочь фараóнова: соблюди́ ми отроча́ сиé, и воздо́й ми é: аз же дам ти мзду. Взя же отроча́ женá, и доя́ше é. Возмужáвшу же отроча́ти, введе́ é ко дщэ́ри фараóнове. И бысть ей в сы́на: и нарече́ íмя ему́ Моисéй, глаго́лющи: от воды́ взях егó.

Посéм, диáкон: Вóнмем.

Чтец: Прокíмен, глас четвэ́ртый: Се что добро́, или́ что красно́? Но éже жи́ти бра́тии вку́пе.

Лик: Се что добро́, или́ что красно́? Но éже жи́ти бра́тии вку́пе.

Чтец, стих: Я́ко ми́ро на главé, сходя́щее на браду́, браду́ Аарóню.

Лик: Се что добро́ или́ что красно́? Но éже жи́ти бра́тии вку́пе.

Чтец: Се что добро́ или́ что красно́?

Лик: Но éже жи́ти бра́тии вку́пе.

Посéм возглаша́ет диáкон: Повелите́.

Свяще́нник же, взем обе́ма рука́ма кади́льницу, и све́щник со свеще́ю, стои́т пред свято́ю трапéзою зря к восто́ком и, назна́менуя крест, глаго́лет: Премúдрость, прóсти. Та́же, обратя́ся на запа́д к наро́ду, глаго́лет:

Свет Христóв просвещáет всех.

Чтец: Йо́ва чтéние.

Диáкон: Вóнмем.

Чтец: Бысть я́ко день сей, сы́нове Йо́влевы и дщэ́ри егó пия́ху вино́ в дому́ бра́та своего́ старейшаго. И се вэ́стник при́де ко Йо́ву, и рече́ ему́: супру́ги волóв оря́ху, и осли́цы пася́хуся близ их: И прише́дше плените́ли плени́ша их, и óтроки изби́ша мечéм, и спасóхся аз еди́н, и приидóх возвестíti тебе́. Ещэ́ сему

глаголющу, прииде ин вѣстник, и рече ко Йову: огонь спадѣ с небесѣ, и пожже овцы, и пастыри поядѣ подобие: спасохся же аз еди́н, и приидох возвестити тебѣ. Еще сему глаголющу, прииде ин вѣстник, и рече ко Йову: конницы сотвориша начальства три, и окружиша вельблюды, и плениша их, и отроки избѣиша мечми: спасохся же аз еди́н, и приидох возвестити тебѣ. Еще сему глаголющу, ин вѣстник прииде, глаголя Йову: сыном Твоим и дщерем Твоим ядущим и пьющим у брата своего старейшаго, внезапно ветер велик найдѣ от пустыни, и коснѣся четырем углом хранины, и падѣ хранина на дѣти Твоя, и скончашася: спасохся же аз еди́н, и приидох возвестити тебѣ. Тако (услышав) Йов, востав растерзѣ ризы своя, и острижѣ власы главы своей (и посыпа перстию главу свою) и пад на зѣмлю, поклонѣся (Господеву), и рече: сам наг изыдох от чрева матери моея, наг и отыду тамо: Господь даде, Господь отъят: яко Господеву изволися, тако бысть: буди имя Господне благословено (во веки). Во всех сих приключившихся ему ничтоже согрѣши Йов пред Господем (ниже устнама своим), и не даде безумия Богу.

По исполнѣнии паримий глаголет священник: Мир ти.

Диакон: Премудрость.

Чтец поет: Да исправится молитва моя: по обычаю (зри сноску № 14).

Посѣм три поклоны великия с молитвою Святаго Ефрема: Господи и Владыко животѣ моего: Таже приѣм диакон от руку священника Святое Евангелие, исходит царскими враты на амвон, предходившим ему свещам, и полагает ѣ на аналогии.

Священник же, стоя пред святою трапезою, и зря к западу, возглашает: Премудрость, прости, услышим Святаго Евангелиа. Таже: Мир всем.

Лик: И духови твоему.

Диакон: От Матфеа Святаго Евангелиа чтѣние.

Лик: Слава Тебѣ, Господи, слава Тебѣ.

Священник: Вонмем.

Диакон: Рече Господь Своим учеником: о дни и часѣ пришествия Сына Человѣческаго никтоже вѣсть, ни Ангели Небеснии, токмо Отец Мой еди́н. Якоже бо бысть во дни Ноѣвы: Тако будет и пришествие Сына Человѣческаго. Якоже бо бѣху во дни прѣжде потѣпа, ядуще и пьюще, женящеся и посягающе, до негоже дне вниде Ноѣ в ковчег. И не уведѣша, дондеже прииде вода, и взят вся, тако будет и пришествие Сына Человѣческаго. Тогда два будѣта на селѣ: еди́н поѣмлется, а другий оставляется. Две мѣлюще в жерновах: еди́на поѣмлется, и еди́на оставляется. Бдите убо, яко не вѣсте, в кий час Господь ваш приидет. Сие же вѣдите, яко аще бы вѣдал дому владыка, в кую стражу тать приидет, бдел убо бы, и не бы дал подкопати храма своего. Сего ради и вы будите готовы, яко вонже час не мните Сын Человѣческий приидет. Кто убо есть верный раб и мудрый, егоже поставит господин его над домом своим, еже даяти им пищу во время их? Блажен раб той, егоже пришед господин его обрящет тако творяща. Аминь, глаголю вам, яко над всем именем Своим поставит его. Аще ли же речет злый раб той в сердца своем, коснит господин мой приити, и начнет бити клеветы своя, ясти же и пити с пьяницами; Придет господин раба того в день,

вонъже не чаёт, и в час, вонъже не весть, и протѣшет его полма, и часть его с неверными положит: ту будет плачь и скрежет зубом. Тогда уподобися Царствие Небесное десяти девам, яже прияха светильники своя, и изыдоша в срѣтение жениху. Пять же бе от них мудры, и пять юродивы. Юродивыя же приѣмша светильники своя, не взяша с собою елѣа. Мудрыя же прияха елѣй в сосудех, со светильники своими. Коснящу же жениху, воздремашася вся, и спяху. Полунощи же вопль бысть, се жених грядет, исходите в срѣтение его. Тогда восташа вся дѣвы тѣя, и украсиша светильники своя. Юродивыя же мудрым рѣша, дадите нам от елѣа вашего, яко светильницы наши угасают. Отвѣщаша же мудрыя, глаголющя: Еда како недостанет нам и вам? Идите же паче к продающим, и купите себе. Идущим же им купити, прииде жених, и готовый внидоша с ним на браки: и затворены быша двѣри. Последі же приидоша и прочія дѣвы, глаголющя: Господи, Господи, отвѣрзи нам. Он же отвѣщав рече им: аминь, глаголю вам, не вем вас. Бдите убо: яко не вѣсте дне ни часа, вонъже Сын Человѣческий Приидет. Якоже бо человек некий отходя призва своя рабы, и предаде им имѣние свое. И овому убо даде пять талант, овому же два, овому же един, комуждо противу силы его: и отыде абие. Шед же приѣмый пять талант, дѣла в них, и сотвори другія пять талант. Такожде и иже два, приобрѣте и той другая два. Приѣмый же един, шед вкопа его в землю, и скры сребро господина своего. По мнозе же времени прииде господин раб тех, и стязася с ними о словеси. И приступль пять талант приѣмый, принесе другія пять талант, глаголя: Господи, пять талант ми еси предал, се другія пять талант приобрѣтох ими. Рече же ему господь его: добрый рабе, благій и верный, о мале был еси верен, над многими тя поставлю: вниди в радость Господа твоего, Приступль же и иже два таланта приѣмый, рече: Господи, два таланта ми еси предал, се другая два таланта приобрѣтох има. Рече же ему Господь его: добрый рабе, благій и верный, о мале ми был еси верен, над многими тя поставлю: вниди в радость Господа твоего. Приступль же и приѣмый един талант рече: Господи, ведях тя, яко жесток еси человек, жнеши идеже не сеял еси, и собираеши юдуже не расточил еси, и убоявся шед скрых талант твой в земли: и се имаши твое. Отвѣщав же Господь его рече ему: лукавый рабе и ленивый, ведяше яко жну идеже не сеях, и собираю юдуже не расточих: Подобаше убо тебе вдати сребро мое торжником, и пришед аз взял бых свое с лихвою. Возмите убо от него талант, и дадите имущему десять талант. Имущему бо вездѣ дано будет, и преизбует: от не имущаго же, и еже мнится имѣя, взято будет от него. И неключимаго раба вверзите во тьму кромешную: ту будет плачь и скрежет зубом. Сія глаголя возгласи: имейя уши слышати, да слышит. Егда же приидет Сын Человѣческий в славе Своей, и вси святїи ангели с Ним, тогда сядет на престоле славы Своея, и соберутся пред Ним вси языцы: и разлучит их друг от друга, якоже Пастырь разлучает овцы от козлищ. И поставит овцы одесную Себе, а козлища ошуюю. Тогда речет Царь сущим одесную Его: Приидите, благословеннии Отца Моего, наследуйте уготованное вам Царствие от сложения мира. Взалкахся бо, и дасте Ми ясти: возжадахся, и напоите Мя: странен бех, и введоште Мене: наг, и одеясте Мя: болен, и посетите Мене: в темнице бех и приидоште ко Мне. Тогда отвѣщают Ему праведницы, глаголюще: Господи, когда Тя видехом алчуща и напитаном? Или жаждуща и напоихом? Когда же Тя видехом странна, и введохом? Или нага, и одеяхом? Когда же Тя видехом боляща или в темнице, и приидохом к Тебе? И отвѣщав Царь речет им: аминь, глаголю

вам, понёже сотворíte единому сих брáтий Моих мѣнших, Мне сотворíte. Тогда речёт и сущым ошуюю Егó: идите от Менé, проклáтии, во огонь вѣчный, уготóванный диáволу и áнгелом егó. Взалкáхся бо, и не дáсте Ми ясти: возжадáхся, и не напоите Менé: стрáнен бех, и не введóсте Менé: наг, и не одеясте Менé: Бóлен, и в темни́це, и не посетíte Менé. Тогда отвещáют Емú и тии, глагóлюще: Гóсподи, когда Ты ви́дохом áлчуща, или́ жаждуща, или́ стрáнна, или́ нага, или́ бóльна, или́ в темни́це и не послужíхом Тебé? Тогда отвещáет им, глагóля: амíнь, глагóлю вам, понёже не сотворíte единому сих мѣнших, ни Мне сотворíte. И íдут сии в муку вѣчную, прáведницы же в живóт вѣчный. И бысть егдá скончá Иисúс вся словесá Сия, речé ученикóм Своим: вѣсте, я́ко по двою дню Пáсха бóдет, и Сын Человѣческий прéдан бóдет на пропáтие.

Лик: Слáва Тебé, Гóсподи, слáва Тебé.

И прóчее послéдование Литургíи Преждеосвящённых Дарóв.

Послéдование вели́каго повечéрия во Святы́й и Вели́кий вто́рник

Совершаем я́коже в Вели́кий понеде́льник (зри сноску № 15).

Пóсле славослóвия вседне́внаго: Слáва в вѣшних Бóгу: поём трипéснец, творéние господíна Андрéя Крítскаго⁴⁹ .

Песнь 3, глас 2:

Ирмо́с: Неплóдствовавший мой ум, плодонóсен, Бóже, покажи́ ми, Делателю дóбрых, Насадителю благíх, благоутрóбием Твоим. **(Два́жды).**

Слáва Тебé, Бóже наш, слáва Тебé.

Кончи́ны вре́мя, обратímся прóчее, Христóс учít: Приидет бо во мгновéнии, приидет и не умéдлит, судíти мíру всему.

Слáва Тебé, Бóже наш, слáва Тебé.

Внеза́пное Своегó прише́ствия Христóс являя, речé, Но́ево дрéвле ненаде́жное тлéние, навестíся хотящеe землí.

Слáва Тебé, Бóже наш, слáва Тебé.

Отвёрзeся черто́г, украсíся с ним Божéственный брак, Жени́х близ призывáяй нас, уготóвимся прóчее.

Слáва Тебé, Бóже наш, слáва Тебé.

Сíмонов дом, невместíмага вездé, вместí Тя, Иисúсе Царíю, и женá грéшная мíром Тя помáза.

Слáва Тебé, Бóже наш, слáва Тебé.

Благовóния таинственнаго испóлнена женá, пёрваго избáвися зловóния, Спа́се, мнóгих грехóв: мíро бо источáеши жízни.

Слáва Тебé, Бóже наш, слáва Тебé.

Небéсная пíще, áлчущим Животé Сам сый, ял есí Христé с челове́ки, проявляя снизхождéние Твоé.

Слáва Тебé, Бóже наш, слáва Тебé.

Неблагодарный ученик, отвергся Тебѣ, Христѣ, соборище всебеззаконныхъ людей сподвизаше на Тя, на предание обращаеся.

Слава Отцу, и Сыну, и Святому Духу.

Со Отцемъ Тебѣ Сыну, и Духу Правому, Единому Естеству поклоняюся и воспеваю, Лицы разделяя, и Существомъ соединяя.

И ныне, и присно, и во веки вековъ. Аминь.

Рождающая Тя Агница, Пастыря и Агнца, присно молит, Иисусе Бже, о всехъ людехъ, верующихъ в Тя.

Таже оба лика вкупе поютъ ирмосъ: Неплодствовавший мой умъ:

Таже: Господи, помилуй. (Трижды). Слава, и ныне:

Седален, глас 1:

Подобен: Лик ангельский:

Се лукавый советъ воистину собрася неистовно, яко осужденника осудити горѣ Сядящаго, яко Судию всехъ Господа. Ныне собирается с Пилатомъ Иродъ, Анна вкупе же и Каиафа, испытати Единого Долготерпеливаго.

Песнь 8

Ирмосъ: В купинѣ Моисею Девы чудо, на Синайстей горѣ, прообразившаго иногда, пойте, благословите, и превозносите во вся веки. (Дважды).

Слава Тебѣ, Бже наш, слава Тебѣ.

Не невѣдый время нашего скончания, держай веки, день оный не ведети предрече: но пределы всемъ положи к смиренномуудрию.

Слава Тебѣ, Бже наш, слава Тебѣ.

Егда сядеши, Судие, разлучаяй, якоже рекл еси, Пастырь от овецъ козлища, Спасе, стояния онаго избави нас, не лишй же насъ Божественныя десницы Твоея.

Слава Тебѣ, Бже наш, слава Тебѣ.

Ты еси Пасха наша, пожренный за всехъ, яко Агнецъ и Жертва, и прегрешений очищение, и Твоя Божественныя страсти превозносимъ, Христѣ, во вся веки.

Слава Тебѣ, Бже наш, слава Тебѣ.

Древу уподобися, и селу, и храмину все житие, душе моя: темже стяжи к Богу готово сердце, да не что тлениемъ плоти оставиши.

Слава Тебѣ, Бже наш, слава Тебѣ.

Не к фарисеомъ, Спасе, ни к Симону токмо избволил еси во храмъ на снѣдь внити: но уже и мытари, вкупе и блудницы, Твое почерпаютъ милосердие.

Слава Тебѣ, Бже наш, слава Тебѣ.

Сребролюбие рачительствовай предатель Иуда, о истощившемся мире печашесе: прочее же о продании Влдыки, к беззаконнымъ пришед о цене согласоваше.

Слава Тебѣ, Бже наш, слава Тебѣ.

О блаженных рук! О, власов и устен Целомудренный блудницы! Имиже возлия, Спасе, миро на нозе Твои, отираючи я, и часто облобызаючи.

Слава Тебе, Боже наш, слава Тебе.

Возлежашу Тебе, Слове, жена представши и у ног рыдаючи, сткляницу, Спасе, истощи мира на главу Тебе Безсмертного Мира.

Благословим Отца, и Сына, и Святого Духа, Господа.

Со Отцем Сына, и Святого Духа, Святую Троицу в Божестве Едином славим, вопиюще: Свят, Свят, Свят еси во веки.

И ныне, и присно, и во веки веков. Аминь.

Молитвами, Спасе, Пречистыя Твоея Матере, и Твоих апостол, милости Твоя нам низпосли богато, и мир Твой подаждь людем Твоим.

Хвалим, Благословим, покланяемся Господеви, поюще и превозносяще во вся веки.

Таже оба лика вкупе поют ирмос: В купине Мойсеею Девы чудо:

Песнь 9

Ирмос: Преестественно плотию Заченшую во чреве, от Отца безлетно предвозсиявшее Слово, в песнях немолчных величаем вернии. (Дважды).

Слава Тебе, Боже наш, слава Тебе.

Делания время, спасения намерение, талант вземши древний образ, душе моя, купи вечную жизнь.

Слава Тебе, Боже наш, слава Тебе.

Яко свещи светлыя украсивше души, Жениху приходящу, к нетленному браку, прежде заключения дверей, внидем с Ним.

Слава Тебе, Боже наш, слава Тебе.

Показати хотя, Иисусе, преестественное Твоего смирения всем, ял еси в дому Симонове вечеряв, алчущих пище.

Слава Тебе, Боже наш, слава Тебе.

Хлеб сый Животворящий, снел еси, Иисусе, с Симоном фарисеем, да блудница приобретет некупимую благодать Твою истощанием мира.

Слава Тебе, Боже наш, слава Тебе.

Руце мой сквернаве, устне блудничи во мне, нечисто мое житие, растленны уды: но ослаби ми и остави, вопиет блудница Христу.

Слава Тебе, Боже наш, слава Тебе.

Приступльши жена к ногам Твоим, Спасе, возливаше миро, благоухания исполняючи, и мира исполняема дел очищения.

Слава Тебе, Боже наш, слава Тебе.

Ароматы богатее, добродетельми же ниществуую, яже имам, Тебе приношу; даждь Сам, яже имаши, и ослаби ми, и остави, вопиет блудница Христу.

Сла́ва Тебе́, Бо́же наш, сла́ва Тебе́.

Міро у мене́ тленное, міро у Тебе́ жи́зни: міро бо Тебе́ Имя́ излия́нное на досто́йныя. Но осла́би ми и оста́ви, вопи́ет блудни́ца Христу́.

Сла́ва: Безнача́лен еси́, О́тче, несозда́нен еси́, Сы́не, сопресто́лен и Ду́ше, Еди́но Три, естество́м, и Три Ли́цами, Еди́н Бог Исти́нный.

И ны́не: Богоро́дице, упова́ние чту́щих Тя при́сно, не преста́й моля́щи из Тебе́ роди́вшагося, изба́вити мя бед и вся́ких искуше́ний.

Та́же о́ба ли́ка вку́пе пою́т ирмо́с: Преесте́ственно плото́ию Заче́ншую.

И поклон до земли́.

Чтец: Трисвято́е, по О́тче наш.

Свяще́нник: Я́ко Твое́ есть Ца́рство:

Чтец: Аминь.

Конда́к, глас 4:

Па́че блудни́цы, Бла́же:

И проче́е послéдование повече́рия (*зри сноску № 16*).

* * *

47 Тропа́рь проро́чества 108

48 стихіры самогла́сны – 1.

49 Трипеснец.



*Служба во Святую и Великую
Среду* ►

★★★★☆ 4.9 / 10

CACKLE



Оставьте свой комментарий...



Новые



КОММЕНТАРИИ ДЛЯ САЙТА CACKLE